

## JONES, HENRY (bu farw 1592), gŵr o'r gyfraith sifil

**Enw:** Henry Jones  
**Dyddiad marw:** 1592  
**Rhyw:** Gwryw  
**Galwedigaeth:** gŵr o'r gyfraith sifil  
**Maes gweithgaredd:** Cyfraith; Gwasanaethau Cyhoeddus a Chymdeithasol, Gweinyddiaeth Sifil  
**Awdur:** Arthur Herbert Dodd

Daeth yn gymrawd yng Ngholeg All Souls, Rhydychen, yn 1546, B.C.L. yn 1549, yn D.C.L. yn 1552 (18 Gorffennaf), ac fe'i derbyniwyd i Doctors' Commons ar 14 Hydref yr un flwyddyn. Yn 1554 rhoddwyd iddo reithoraeth ddiotal Llanrwst, cafodd ei wneuthur yn ganon symudol Llanelwy yn 1560, a bu'n dal rheithoraeth Llandinam ('y gyfran gyntaf' ohoni) o 1561 hyd 1592. Bu'n seneddau 1558-9 dros Hindon, swydd Wilts (un o fwrdeisdrefi 'poced' iarl I Pembroke, y mae'n debyg).

Daeth i gael ei gyfrif yn awdurdod yn y gyfraith sifil; yn 1571 (17 Hydref) yr oedd yn un o'r pum doethur dysgedig (gyda William Awbrey, a David Lewis, barnwr) y bu'r frenhines Elisabeth yn gofyn eu barn ar y cwestiwn a ellid dwyn John Leslie, esgob Ross, gerbron llysoedd barn Lloegr i ateb am ei gynllwynion yn ei herbyn hi pan oedd ef yn llysgennad yn Lloegr dros Mari frenhines Sgotland. Yn 1576 gofynnodd yr archesgob Grindal ei farn (a hefyd farn ei ganghellor, Thomas Yale, a barn Awbrey) ar fater gwella llysoedd eglwysig yn ei archesgobaeth; gwelir barn Jones wedi ei hargraffu yn Strype, *Grindal*, 303. Yr oedd yn un o ymddiriedolwyr sefydliad addysgol Dr. John Gwynne.

Bu farw fis Chwefror 1592 a chladdwyd ef yn St. Benet's, Paul's Wharf, Llundain.

### Awdur

Yr Athro Emeritus Arthur Herbert Dodd, (1891 - 1975)

### Ffynonellau

Anthony Wood, *Athenae Oxonienses* â€¦ to which are added *The Fasti* (1813â€"20), i, 135

Foster, *Alumni Oxonienses: the members of the University of Oxford* I, i, 821

H. B. Thomas, *A History of the Diocese of St. Asaph* (1874)

*Reports of the Historical Manuscripts Commission*, Cecil, i, 538

J. Strype, *Annals and Lives of the Primate of Elizabeth's Reign*, I, i, 472; II, i, 170, 525; III, ii, 117-22

### Dolenni Ychwanegol

Wikidata: [Q5724057](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Arddull APA

x

Dodd, A. H., (1953). JONES, HENRY (bu farw 1592), gŵr o'r gyfraith sifil. *Y Bywgraffiadur Cymreig*. Adferwyd 11 Tac 2024, o <https://bywgraffiadur.cymru/article/c-JONE-HEN-1592>

CC BY-SA

Preifatrwydd a Chwcis  
Hawlfraint  
Y Prosiect  
Cymorth  
Cysylltu

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government